

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা

সংবাদ গতিধারা

জাতীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা ১৯৬/২০১৮-২০১৯

ঢাকা, বৃহস্পতিবার ১১ এপ্রিল ২০১৯, ২৮ চৈত্র ১৪২৫

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে

- ১। রাষ্ট্রপতির সঙ্গে বাংলাদেশে নিযুক্ত ৬ দৃতের সাক্ষাৎ
- ২। টেকসই উন্নয়নের জন্য অধিকতর গবেষণার ওপর গুরুত্বারোপ  
প্রযুক্তিনির্ভর উন্নত দেশ গড়ে তোলা হবে : প্রধানমন্ত্রী
- ৩। বিজ্ঞানী ড. মিজানুর রহমানকে বিজ্ঞান গবেষণায় অবদান রাখায় সম্মাননা প্রদান করলেন প্রধানমন্ত্রী
- ৪। প্রধানমন্ত্রীকে শ্রীলঙ্কায় কমনওয়েলথ স্থানীয় সরকার সম্মেলনে যোগদানের আমন্ত্রণ
- ৫। অগ্নিদৰ্শ মাদ্রাসাছাত্তী নুসরাতের মৃত্যুবরণ : প্রধানমন্ত্রীর শোক প্রকাশ
- ৬। ফেনীর সোনাগাজীতে অগ্নিদৰ্শ মাদ্রাসাছাত্তী নুসরাতের  
হত্যাকারীদের বিরুদ্ধে কঠোর ব্যবস্থা নেওয়ার নির্দেশ প্রধানমন্ত্রীর  
'প্রধানমন্ত্রী শেখ হাসিনা সেনানিবাস'র কাজ দ্রুত শেষ করার তারিখ
- ৮। ডাউনলিঙ্ককৃত বিদেশি টিভি চ্যানেলে বিজ্ঞাপন সম্প্রচার বন্ধে সরকার ব্যবস্থা নিয়েছে : তথ্যমন্ত্রী
- ৯। ছোটখাটো বিরোধ ঘটাতে গ্রাম আদালত কার্যকর ভূমিকা রাখছে : স্থানীয় সরকারমন্ত্রী
- ১০। একমাসের মধ্যে নতুন শিক্ষাপ্রতিষ্ঠানের এমপিওভুক্তি চূড়ান্ত হবে : শিক্ষামন্ত্রী
- ১১। মিয়ানমারে রোহিঙ্গা নির্যাতনে দায়ীদের বিরুদ্ধে নিষেধাজ্ঞা চাই : যুক্তরাষ্ট্রের কংগ্রেস সিনেটরকে পররাষ্ট্রমন্ত্রী
- ১২। হোমিওপ্যাথি চিকিৎসা গবেষণায় রিসার্চ সেন্টার করা হবে : স্বাস্থ্যমন্ত্রী
- ১৩। বাণিজ্য বাড়াতে ৬ দেশের সঙ্গে চুক্তি স্বাক্ষর হচ্ছে : বাণিজ্যমন্ত্রী
- ১৪। ২২ রুটে চলবে ছয় কোম্পানির নগর বাস : ডিএসসিসি মেয়র
- ১৫। দুই কোটি নারী উদ্যোক্তা জাতীয় অর্থনীতিতে অবদান রাখছেন  
মহিলা সংস্থায় আয়োজিত বৈশাখী মেলায় বকারা

চলমান পাতা-২

=২=

- ১। রাষ্ট্রপতির সঙ্গে বাংলাদেশে নিযুক্ত ৬ দৃতের সাক্ষাৎ  
রাষ্ট্রপতি মোঃ আব্দুল হামিদের সঙ্গে দেখা করে নিজেদের পরিচয়পত্র দিয়েছেন বাংলাদেশে নিযুক্ত ছয় দেশের  
অন্বেষণ করে আবাসিক দূত। গতকাল (১০ এপ্রিল বুধবার) এল সালভাদর, গাম্বিয়া, গিনি, আর্জেন্টিনা, লিথুনিয়া, বসনিয়া ও  
হার্জেগোনিয়া আলাদাভাবে রাষ্ট্রপতির কাছে পরিচয়পত্র পেশ করেন। রাষ্ট্রপতি নতুন রাষ্ট্রদূতদের বঙ্গভবনে স্বাগত জানিয়ে

বলেন, বাংলাদেশ বিশ্বের সবদেশের সঙ্গে দ্বিপক্ষীয় সম্পর্কের পাশাপাশি বহুপাক্ষিক সম্পর্ক বাড়াতে আগ্রহী। কূটনৈতিক সম্পর্কের পাশাপাশি পারস্পরিক সম্ভাবনার ক্ষেত্রসমূহ কাজে লাগাতে উদ্যোগী হওয়ার জন্য দৃতদের প্রতি আহ্বান জানান রাষ্ট্রপতি। তিনি বাংলাদেশের পর্যটনের উজ্জ্বল সম্ভাবনার কথা তুলে ধরে বলেন, বাংলাদেশের কর্মবাজার সমুদ্র সৈকত বিশ্বের সবচেয়ে দীর্ঘ সৈকত এবং সুন্দরবন বিশ্ব ঐতিহ্যের অংশ। রাষ্ট্রপতি বাংলাদেশের পর্যটন সম্ভাবনাকে তুলে ধরারও আহ্বান জানান। সূত্র : জনকর্ত (পৃ.৩,ক.৪), আমাদের অর্থনীতি (শেষ পৃ.ক.২), নিউজ টুডে (পৃ.৩,ক.৪), বাংলাদেশ টুডে (পৃ.১,ক.৫)।

## ২। টেকসই উন্নয়নের জন্য অধিকতর গবেষণার ওপর গুরুত্বারোপ

### প্রযুক্তিনির্ভর উন্নত দেশ গড়ে তোলা হবে : প্রধানমন্ত্রী

প্রধানমন্ত্রী শেখ হাসিনা টেকসই উন্নয়ন নিশ্চিত করতে অধিকতর গবেষণার জন্য বিজ্ঞানী ও গবেষকদের প্রতি আহ্বান জানিয়ে বলেছেন, তাঁর সরকারও বঙ্গবন্ধুর স্বপ্নের পথ ধরে বিজ্ঞান ও প্রযুক্তির সর্বোত্তম ব্যবহারের মাধ্যমে একটি প্রযুক্তিনির্ভর, জ্ঞানভিত্তিক, ক্ষুধা ও দারিদ্র্যমুক্ত উন্নত দেশ গড়তে বদ্ধপরিকর। গতকাল (১০ এপ্রিল বুধবার) রাজধানীর বঙ্গবন্ধু আন্তর্জাতিক সম্মেলনকেন্দ্রে বিজ্ঞান ও প্রযুক্তি মন্ত্রণালয় আয়োজিত বঙ্গবন্ধু ফেলোশিপ, বিজ্ঞান ও প্রযুক্তি ফেলোশিপ এবং গবেষণা অনুদান প্রদান অনুষ্ঠানে প্রধান অতিথির বক্তব্যে তিনি একথা বলেন। প্রধানমন্ত্রী বলেন, বিজ্ঞানী ও গবেষকরা আরো গবেষণা করে নতুন নতুন ক্ষেত্র নির্ধারণ করুণ যাতে বাংলাদেশ বেশি উৎকর্ষতা লাভ করতে পারে। কোথায় কোথায় আমাদের আরো বেশি বিনিয়োগ করা দরকার সেইভাবেই আমাদের দেশের জলবায়ু মাটি, পানি সবকিছু নিয়েই আপনাদের কাজ। যুগের সঙ্গে তাল মিলিয়ে আমাদের চলতে ও সব কাজ করতে হবে। বর্তমান সরকারও বঙ্গবন্ধুর স্বপ্নের পথ ধরে বিজ্ঞান ও প্রযুক্তির সর্বোত্তম ব্যবহারের মাধ্যমে একটি প্রযুক্তিনির্ভর, জ্ঞানভিত্তিক, ক্ষুধা ও দারিদ্র্যমুক্ত উন্নত দেশ গড়তে বদ্ধপরিকর। সূত্র : ইন্ডিফাক (পৃ.১,ক.৭), সংবাদ (শেষ পৃ.ক.৪), নিউ নেশন (শেষ পৃ.ক.১), নিউজ টুডে (পৃ.১,ক.১)।

## ৩। বিজ্ঞানী ড. মিজানুর রহমানকে বিজ্ঞান গবেষণায় অবদান রাখায় সম্মাননা প্রদান করলেন প্রধানমন্ত্রী

বিজ্ঞানী ড. মিজানুর রহমান রানাকে বিজ্ঞান গবেষণায় বিশেষ অবদানের জন্য প্রধানমন্ত্রী শেখ হাসিনা বিশেষ সম্মাননা ক্রেস্ট প্রদান করেছেন। গতকাল (১০ এপ্রিল বুধবার) ঢাকায় বঙ্গবন্ধু আন্তর্জাতিক সম্মেলনকেন্দ্রে বঙ্গবন্ধু ফেলোশিপ, এমএসটি ফেলোশিপ ও গবেষণা অনুদান প্রদান অনুষ্ঠানে প্রধানমন্ত্রী গবেষণায় বিশেষ অবদান রাখায় এ সম্মাননা প্রদান করেন। তাঁর গবেষণার নাম হচ্ছে ‘তেজক্রিয়তা পরিমাপ যন্ত্র এল এস-১০০০ ডোসিমেট্রি সিস্টেম’। সূত্র-সংবাদ (শেষ পৃ.ক.১)।

## ৪। প্রধানমন্ত্রীকে শ্রীলঙ্কায় কমনওয়েলথ স্থানীয় সরকার সম্মেলনে যোগদানের আমন্ত্রণ

শ্রীলঙ্কার প্রেসিডেন্ট মৈথীপালা সিরিসেনা প্রধানমন্ত্রী শেখ হাসিনাকে শ্রীলঙ্কায় কমনওয়েলথ স্থানীয় সরকার সম্মেলনে যোগদানের আমন্ত্রণ জানিয়েছেন। এ বছরের ৬ থেকে ৯ আগস্ট কলম্বোয় এ সম্মেলন অনুষ্ঠিত হবে। বাংলাদেশে নিযুক্ত শ্রীলঙ্কার হাইকমিশনার জেনারেল (অব.) এ ড্রিল্ট জে সি ডি সিলভা গতকাল (১০ এপ্রিল বুধবার) গণভবনে সৌজন্য সাক্ষাৎ করে প্রধানমন্ত্রীর কাছে এ আমন্ত্রণপত্র হস্তান্তর করেন। দু'দেশের মধ্যকার বর্তমান দ্বিপক্ষীয় সম্পর্কে সতোষ প্রকাশ করে প্রধানমন্ত্রী বলেন, শ্রীলঙ্কার সঙ্গে বাংলাদেশের ঐতিহাসিক বন্ধন রয়েছে। সূত্র : ইন্ডিফাক (পৃ.১৯,ক.১), ইভিপেনডেন্ট (পৃ.১৫,ক.১)।

৫। অগ্নিদন্ধ মাদ্রাসাছাত্রী নুসরাতের মৃত্যুবরণ : প্রধানমন্ত্রীর শোক প্রকাশ

ফেনীর সোনাগাজীতে অগ্নিদন্ধ মাদ্রাসাছাত্রী নুসরাত জাহান রাফি গতকাল (১০ এপ্রিল বুধবার) ঢাকা মেডিকেল কলেজ হাসপাতালের বার্ন ইউনিটের নিবিড় পরিচর্যাকেন্দ্রে (আইসিইট) চিকিৎসাধীন অবস্থায় মৃত্যুবরণ করেন। রাফির মৃত্যুতে গভীর শোক প্রকাশ করেছেন প্রধানমন্ত্রী শেখ হাসিনা। অবস্থার অবনতি হওয়ায় গত ৮ এপ্রিল তাঁকে লাইফ সাপোর্টে নেওয়া হয়। ঘটনার পর থেকেই প্রধানমন্ত্রী শেখ হাসিনা রাফির নিয়মিত খোঁজ রাখছিলেন। উন্নত চিকিৎসার জন্য তাঁকে সিঙ্গাপুরে পাঠানোর নির্দেশ দেন প্রধানমন্ত্রী। তবে আকাশপথে ভ্রমণে তাঁর ঝুঁকি থাকায় তাঁকে সিঙ্গাপুরে নেওয়া সম্ভব হয়নি। সূত্র-সমকাল (পৃ.১,ক.১), ইঙ্গিষ্টেফাক (পৃ.১,ক.১), নিউ নেশন (পৃ.১,ক.১), নিউজ টুডে (পৃ.১,ক.৭)।

৬। ফেনীর সোনাগাজীতে অগ্নিদন্ধ মাদ্রাসাছাত্রী নুসরাতের

হত্যাকারীদের বিরুদ্ধে কঠোর ব্যবস্থা নেওয়ার নির্দেশ প্রধানমন্ত্রীর

ফেনীর সোনাগাজীতে অগ্নিদন্ধ মাদ্রাসাছাত্রী নুসরাতের হত্যাকারীদের বিরুদ্ধে কঠোর ব্যবস্থা নিতে আইন প্রয়োগকারী সংস্থাগুলোকে নির্দেশ দিয়েছেন প্রধানমন্ত্রী শেখ হাসিনা। প্রধানমন্ত্রীর প্রেস সচিব ইহসানুল করিম জানান, তাঁর মৃত্যুতে গভীর শোক ও দুঃখ প্রকাশ করে হত্যাকারীদের বিচারের আওতায় আনতে ও শাস্তিমূলক ব্যবস্থা নেওয়ার জন্য নির্দেশ দিয়েছেন সরকারপ্রধান। তিনি রাফির বিদেহী আত্মার শান্তি কামনা করেন এবং তাঁর শোকসন্তপ্ত পরিবারের সদস্যদের প্রতি সমবেদনা জানান। সূত্র-সমকাল (পৃ.১৭,ক.৬)।

৭। ‘প্রধানমন্ত্রী শেখ হাসিনা সেনানিবাস’র কাজ দ্রুত শেষ করার তাগিদ

বরিশালে চলমান ‘প্রধানমন্ত্রী শেখ হাসিনা সেনানিবাস’র কাজ দ্রুততম সময়ে শেষ করার তাগিদ দিয়েছে সংসদীয় কমিটি। একইসঙ্গে সারাদেশে মহিলা ক্যাডেট কলেজের সংখ্যা বৃদ্ধি এবং লালমনিরহাটে একটি এয়ারপোর্ট ও শাহীন স্কুল স্থাপনের সুপারিশ করা হয়েছে। জাতীয় সংসদভবনে গতকাল (১০ এপ্রিল বুধবার) অনুষ্ঠিত প্রতিরক্ষা মন্ত্রণালয় সম্পর্কিত স্থায়ী কমিটির প্রথম বৈঠক এ তাগিদ ও সুপারিশ করা হয়। সূত্র : জনকর্ষ (শেষ পৃ.ক.৩), ভোরের কাগজ (শেষ পৃ.ক.১)।

৮। ডাউনলিঙ্ক বিদেশি টিভি চ্যানেলে বিজ্ঞাপন সম্পর্কে বক্সে সরকার ব্যবস্থা নির্যাতে : তথ্যমন্ত্রী

তথ্যমন্ত্রী ড. হাসান মাহমুদ বলেছেন, বিদেশি টেলিভিশন চ্যানেলে বিজ্ঞাপন প্রচার বক্সে সরকার ইতোমধ্যে প্রয়োজনীয় ব্যবস্থা নির্যাতে। ডাউনলিঙ্ক ব্যবহার করে বিদেশি টেলিভিশনে স্থানীয় বিজ্ঞাপন সম্পর্কে বক্সে সরকার বক্সে স্থানীয় বিজ্ঞাপন প্রচার করতে ক্যাবল অপারেটরদের নির্দেশ দেওয়া হয়েছে। আইন অনুযায়ী বিদেশি টেলিভিশন চ্যানেলে স্থানীয় বিজ্ঞাপন প্রচার করা যাবে না। মন্ত্রী গতকাল (১০ এপ্রিল বুধবার) তথ্য মন্ত্রণালয়ের সম্মেলনেকক্ষে অনুষ্ঠিত টেলিভিশন চ্যানেল মালিক সমিতির (অ্যাটকে) সদস্যদের সঙ্গে বৈঠকে একথা বলেন। সূত্র : ইঙ্গিষ্টেফাক (পৃ.১৯,ক.৮), সংবাদ (শেষ পৃ.ক.৫), নিউ নেশন (শেষ পৃ.ক.৪), নিউজ টুডে (পৃ.১,ক.৬)।

৯। ছোটখাটো বিরোধ মেটাতে গ্রাম আদালত কার্যকর ভূমিকা রাখছে : স্থানীয় সরকারমন্ত্রী

স্থানীয় সরকার, পঞ্জী উন্নয়ন ও সমবায়মন্ত্রী মো. তাজুল ইসলাম বলেছেন, স্থানীয়ভাবে সহজে, কম খরচে, দ্রুত এবং স্বচ্ছ প্রক্রিয়ায় বিরোধ নিষ্পত্তি করতে গ্রাম আদালতের ভূমিকা প্রশংসনীয়। দেশের প্রচলিত বিচারব্যবস্থা জনগণের সংখ্যার তুলনায় অপর্যাপ্ত। এ শূন্যতা পূরণে গ্রামে ছোটখাটো বিরোধগুলো মিটিয়ে ফেলতে গ্রাম আদালত কার্যকরী ভূমিকা রাখছে। গতকাল (১০ এপ্রিল বুধবার) রাজধানীর ইক্সটেন্স বিয়াম ফাউন্ডেশনে স্থানীয় সরকার বিভাগের গ্রাম আদালত সক্রিয়করণ (২য় পর্যায়) প্রকল্পের পর্যালোচনা এবং ভবিষ্যৎ করণীয় এক কর্মশালায় তিনি এসব কথা বলেন। সূত্র-সংবাদ (পৃ.৪,ক.৭), ভোরের কাগজ (পৃ.৩,ক.৫), অবজারভার (পৃ.৯,ক.৪), নিউজ টুডে (পৃ.২,ক.৫)।

১০। একমাসের মধ্যে নতুন শিক্ষাপ্রতিষ্ঠানের এমপিওভুক্তি চূড়ান্ত হবে : শিক্ষামন্ত্রী

চলতি মাস অথবা আগামী মাসের মধ্যে নতুন শিক্ষাপ্রতিষ্ঠান এমপিওভুক্তির কার্যক্রম চূড়ান্ত হতে পারে জানিয়ে শিক্ষামন্ত্রী ডা. দীপু মনি বলেছেন, চারটি ক্যাটাগরিতে যোগ্য হিসেবে প্রায় আড়াই হাজার শিক্ষাপ্রতিষ্ঠানকে তালিকাভুক্ত করা হয়েছে। একসঙ্গে এসব প্রতিষ্ঠান এমপিওভুক্তি করার বিষয়টি বিবেচনা করা হচ্ছে। এছাড়াও মেডিকেল কলেজের মতো সব পাবলিক বিশ্ববিদ্যালয়েও সমন্বিত বা গুচ্ছ পদ্ধতিতে একসঙ্গে ভর্তি পরীক্ষা নেয়ার পক্ষে মত দিয়েছেন শিক্ষামন্ত্রী। গতকাল (১০ এপ্রিল বুধবার) শিক্ষা মন্ত্রণালয়ে এক তিনি এ কথা জানান। সূত্র-সংবাদ (শেষ পৃ.ক.২), সমকাল (শেষ পৃ.ক.৫), নিউ এজ (শেষ পৃ.ক.২), ফিনানশিয়াল এক্সপ্রেস (পৃ.৩,ক.১)।

- ১১। মিয়ানমারে রোহিঙ্গা নির্যাতনে দায়ীদের বিরুদ্ধে নিষেধাজ্ঞা চাই : যুক্তরাষ্ট্রের কংগ্রেস সিনেটরকে পররাষ্ট্রমন্ত্রী**  
 মিয়ানমারের রাখাইনে রোহিঙ্গাদের ওপর নির্যাতন ও মানবাধিকার লঙ্ঘনে দায়ীদের বিরুদ্ধে নিষেধাজ্ঞা আরোপের জন্য যুক্তরাষ্ট্রের প্রতি আহ্বান জানিয়েছেন পররাষ্ট্রমন্ত্রী ড. এ কে আব্দুল মোমেন। মার্কিন যুক্তরাষ্ট্রের কংগ্রেস সিনেটের ক্রিস্টোফার মার্ফির সঙ্গে এক বৈঠকে তিনি এ আহ্বান জানান। গতকাল (১০ এপ্রিল বুধবার) পররাষ্ট্র মন্ত্রণালয় থেকে পাঠ্যনো এক বিজ্ঞপ্তিতে বলা হয়, মার্কিন যুক্তরাষ্ট্র সফররত পররাষ্ট্রমন্ত্রী ড. এ কে আব্দুল মোমেন যুক্তরাষ্ট্রের কংগ্রেস সিনেটের ক্রিস্টোফার মার্ফির সঙ্গে বৈঠক করেছেন। বৈঠকে তিনি মার্কিন যুক্তরাষ্ট্রের কংগ্রেসকে মিয়ানমারের সংখ্যালঘু রোহিঙ্গাদের ওপর নির্যাতন ও মানবাধিকার লঙ্ঘনের কারণে নিষেধাজ্ঞা জারির জন্য আহ্বান জানান। সূত্র : জনকর্ত (পৃ.২,ক.১), আমাদের অর্থনীতি (পৃ.১,ক.৫), বাংলাদেশ টুডে (শেষ পৃ.ক.২), ডেইলি সান (পৃ.৩,ক.১)।
- ১২। হোমিওপ্যাথি চিকিৎসা গবেষণায় রিসার্চ সেন্টার করা হবে : স্বাস্থ্যমন্ত্রী**  
 হোমিওপ্যাথি চিকিৎসা গবেষণার জন্য রিসার্চ সেন্টার করা হবে বলে জানিয়েছেন স্বাস্থ্য ও পরিবার কল্যাণমন্ত্রী জাহিদ মালেক। গতকাল (১০ এপ্রিল বুধবার) হোমিওপ্যাথি দিবস উপলক্ষে রাজধানীর ইঞ্জিনিয়ার্স ইনসিটিউশন মিলনায়তনে আয়োজিত আলোচনাসভায় তিনি এ কথা বলেন। স্বাস্থ্যমন্ত্রী আরো বলেন, আমাদের দেশে হোমিওপ্যাথি নিয়ে রিসার্চ কর্ম ছিল। কিন্তু প্রধানমন্ত্রী শেখ হাসিনা ক্ষমতায় আসার পর এ চিকিৎসাব্যবস্থায় ব্যাপক পরিবর্তন আনা হয়েছে। আমরা সরকারিভাবে হোমিওপ্যাথি চিকিৎসার মান উন্নয়নে একটা রিসার্চ সেন্টার গড়ে তুলব। তিনি আরো বলেন, প্রাক্তিক জনগোষ্ঠীর সেবায় হোমিওপ্যাথি চিকিৎসকরা গুরুত্বপূর্ণ অবদান রাখছেন। সূত্র-যুগান্তর (পৃ.২,ক.৮)।
- ১৩। বাণিজ্য বাড়াতে ৬ দেশের সঙ্গে চুক্তি স্বাক্ষর হচ্ছে : বাণিজ্যমন্ত্রী**  
 বাণিজ্য বাড়াতে শীঘ্রই ছয় দেশের সঙ্গে চুক্তি করতে বাছে বাংলাদেশ। এরমধ্যে আগামী ২২ এপ্রিল চেকোস্লোভাকিয়ায় সঙ্গে দ্বিপক্ষিক চুক্তি স্বাক্ষর করা হবে। এছাড়া ইউরেশিয়ান ইকোনমিক ইউনিয়নভূক্ত রাশিয়া, বেলারুশ, ইউক্রেন, আজারবাইজান ও আরমানিয়ার সঙ্গে সমরোতা স্মারক স্বাক্ষর হবে। গতকাল (১০ এপ্রিল বুধবার) সচিবালয়ে সুইজারল্যান্ডের জেনেভায় গত ৩ ও ৫ এপ্রিল অনুষ্ঠিত বিশ্ব বাণিজ্য সংস্থায় (ড্রিউটিও) বাংলাদেশের ৫ম ট্রেড পলিসি রিভিউ (টিপিআর) সভায় এক সংবাদসম্মেলনে বাণিজ্যমন্ত্রী চিপু মনুশি একথা বলেন। সূত্র : ইন্ডেফাক (পৃ.১৯,ক.২), সংবাদ (পৃ.১৪,ক.১), ইভিপেনডেন্ট বিজনেস পাতা (পৃ.৩,ক.৫)।
- ১৪। ২২ রাতে চলবে ছয় কোম্পানির নগর বাস : ডিএসসিসি মেয়ার**  
 ঢাকা এবং পার্শ্ববর্তী এলাকায় নগর পরিবহণের বাসগুলোকে ৬টি কোম্পানির আওতায় এনে ২২টি রাতের মাধ্যমে পরিচালনা করা হবে বলে জানিয়েছেন ঢাকা দক্ষিণ সিটি করপোরেশনের (ডিএসসিসি) মেয়ার মোহাম্মদ সাইদ খোকন। গতকাল (১০ এপ্রিল বুধবার) নগর ভবনস্থ ব্যাংক ফ্লোর সভাকক্ষে অনুষ্ঠিত গণপরিবহনে শৃঙ্খলা ফিরিয়ে আনার লক্ষ্যে গঠিত বাসরট নির্ধারণ সংক্রান্ত কমিটির সভাশেষে এক ব্রিফিংয়ে মেয়ার সাস্টেড খোকন এ ঘোষণা দেন। ৬টি বাস কোম্পানিকে গোলাপী, কমলা, সবুজ, বেগুনী, মেরুন এবং নীল এ ৬টি রাতের মাধ্যমে পরিচালনা করা হবে। তিনি আরো বলেন, জাতির পিতা বঙবন্ধু শেখ মুজিবুর রহমানের শততম জন্মবার্ষিকী উদ্যাপন বর্ষ ২০২০ সালের মধ্যেই সড়কে নিরাপত্তা এবং শৃঙ্খলা ফিরিয়ে আনার মধ্য দিয়ে জাতির পিতার প্রতি সর্বোত্তম শ্রদ্ধা জানাতে চাই। সূত্র : ইন্ডেফাক (পৃ.৩,ক.১), জনকর্ত (শেষ পৃ.ক.৬), নিউ নেশন (শেষ পৃ.ক.৪), নিউজ টুডে (শেষ পৃ.ক.২)।
- ১৫। দুই কোটি নারী উদ্যোক্তা জাতীয় অর্থনীতিতে অবদান রাখছেন  
 মহিলা সংস্থায় আয়োজিত বৈশাখী মেলায় বক্তব্য**  
 দেশের দুই কোটি নারী উদ্যোক্তা জাতীয় অর্থনীতিতে অবদান রাখছে। সমাজের দুষ্ট ও বেকার নারীরা আজ উদ্যোক্তা হিসেবে সফল। উদ্যোক্তা এসব নারী আমাদের উন্নয়নের অগ্রিমাকে গতিশীল করছে। গতকাল (১০ এপ্রিল বুধবার) নারী উদ্যোক্তাদের পণ্য নিয়ে বেইলীরোডে জাতীয় মহিলা সংস্থা প্রাঙ্গণে পাঁচ দিনব্যাপী ‘বৈশাখী মেলা’র উদ্বোধন অনুষ্ঠানে বক্তব্য এসব কথা বলেন। অনুষ্ঠানে প্রধান অতিথির বক্তব্যে মহিলা ও শিশু বিষয়ক মন্ত্রণালয়ের সচিব কামরুন নাহার বলেন, নেটওয়ার্কিং এর মাধ্যমে দেশের নারী উদ্যোক্তারা যেন দক্ষতার সঙ্গে পণ্য বিপণন করতে পারে মন্ত্রণালয় সে লক্ষ্যে কাজ করছে। উদ্বোধন শেষে সচিব মেলা ঘুরে দেখেন ও উদ্যোক্তাদের সঙ্গে কথা বলেন। এসময় তিনি আরো বলেন, প্রশিক্ষণের মাধ্যমে উদ্যোক্তাদের দক্ষতা বৃদ্ধি করা হবে। সূত্র : ইন্ডেফাক (পৃ.৩,ক.৭)।

### সম্পাদকীয়

- ক. **ইত্তেফাক :** গাড়ির সিলিন্ডার বিক্ষেপণের পাশাপাশি রান্নার সিলিন্ডার বিক্ষেপণের ঘটনা পাছ্বা দিয়ে বৃদ্ধি পাচ্ছে উল্লেখ করে ঝুঁকিপূর্ণ, মেয়াদোভীর্ণ ও নিম্নমানের সিলিন্ডার ব্যবহারের বিরুদ্ধে কঠোর ব্যবস্থা নেওয়ার দাবি।
- খ. **জনকর্ত্ত :** জাহাজ নির্মাণ ও রফতানিতে বাংলাদেশের বিপুল আয়ের সম্ভাবনা রয়েছে উল্লেখ করে এর পরিপ্রেক্ষিতে প্রয়োজন কার্যকর পদক্ষেপ গ্রহণ।
- গ. **যুগান্তর, সমকাল, ইভিপেনডেন্ট :** পাবনায় ১৯৫ চরমপন্থী সন্ত্রাসী পুলিশের কাছে আত্মসম্পর্কের ঘটনায় সন্তোষ প্রকাশ করে এরা যাতে আবার সন্ত্রাসী জীবনের পথে পা বাঢ়াতে না পারে, তাই দ্রুত পুনর্বাসনের ওপর গুরুত্বারোপ।
- ঘ. **ভোরের কাগজ :** বৃষ্টি হলে রাজধানীসহ বড় শহরগুলোতে জলাবদ্ধতা যেন এখন নিয়মে পরিণত হয়েছে উল্লেখ করে এ অবস্থা নিরসনে রাজধানীর খালগুলো উদ্ধারে কর্তৃপক্ষকে আরও সোচার হওয়ার সুপারিশ।
- ঙ. **সমকাল :** বরিশালে ২৭৪টি প্রাথমিক বিদ্যালয় ভবন ঝুঁকিপূর্ণ এ তথ্যে উদ্বেগ প্রকাশ করে সারাদেশের ঝুঁকিপূর্ণ বিদ্যালয়গুলোর ব্যাপারে ব্যবস্থা নেওয়ার সুপারিশ।
- চ. **ইভিপেনডেন্ট :** দেশের সকল নাগরিকের জন্য যথাযথ চিকিৎসাসেবার ব্যবস্থা করার ওপর গুরুত্বারোপ।
- ছ. **ফিনানশিয়াল এন্ড্রপ্রেস :** দেশে প্রতি ১৬ জনে একজন ডায়বেটিসে আক্রান্ত এ তথ্যে উদ্বেগ প্রকাশ করে ডায়বেটিস প্রতিরোধে সবাইকে সচেতন হওয়ার আহ্বান।

### উপসম্পাদকীয়

ইত্তেফাক পত্রিকায় প্রকাশিত কলামে উল্লেখ করা হয়েছে, আইন প্রয়োগের মাধ্যমে যথাযথ জবাবদিহিতা নিশ্চিত করা না গেলে এবং দুর্ঘটনা মোকাবিলার সক্ষমতা বৃদ্ধি করা না হলে অগ্নিদুর্ঘটনা কেড়ে নিবে আরো বহু তাজা প্রাণ।

### নিবন্ধ ও ফিচার

সংবাদ পত্রিকায় প্রকাশিত ‘কিশোর খাদ্যাভাস’ শিরোনামের নিবন্ধে অভিমত প্রকাশ করা হয়েছে, কৈশোরে পরিমিত পুষ্টি ও ক্যালরি চাহিদা পূরণ হলে দীর্ঘদিন সবল থাকা যায় এবং নানাধরনের শারীরিক সমস্যা থেকেও রেহাই পাওয়া যায়।

#

ডালিয়া/সাঈদা/রশীদ/মাসুম/২০১৮/৯.০০ঘন্টা